



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Traffic**

Broj: 04-11-47588-5/20 BT  
Sarajevo, 08.02.2021.godine

Na osnovu člana 69. stav 2. tačka d) i člana 70. Zakona o javnim nabavkama Bosne i Hercegovine („Sl. glasnik BiH“, broj: 39/14), i čl. 56. Zakona o organizaciji organa uprave u FBiH („Službene novine FBiH“, br.35/05), ministar saobraćaja Kantona Sarajevo na preporuku Komisije za javnu nabavku donosi:

### **O D L U K U**

#### **o poništenju postupka javne nabavke**

1. Poništava se otvoreni postupak javne nabavke “Održavanje Parkmatix rješenja za naplatu i kontrolu parkiranja u Kantonu Sarajevo, objavljenog na portalu javnih nabavki pod rednim brojem 1242-1-2-32-3-27/20 od 28.12.2020. godine, jer nijedna od primljenih ponuda nije prihvatljiva za predmetnu nabavku.
2. Ova Odluka će se objaviti na Internet stranici Ministarstva saobraćaja Kantona Sarajevo u skladu sa članom 70. stav 6. Zakona o javnim nabavkama Bosne i Hercegovine („Sl. glasnik BiH“, broj 39/14).

### **O b r a z l o ž e n j e**

Poništava se postupak javne nabavke pokrenut Odlukom o pokretanju postupka broj: 04-11-47588/20 od 28.12.2020.godine. Javna nabavka je provedena u otvorenom postupku u skladu sa članom 25. Zakona o javnim nabavkama. Ugovorni organ je objavio obavještenje za predmetnu nabavku na portalu javnih nabavki pod rednim brojem 1242-1-2-32-3-27/20 od 28.12.2020. godine.

Zapisnikom o otvaranju ponuda od 18.01.2021.godine komisija je evidentirala da je u predviđenom roku pristigla ponuda ponuđača Lpon Ventures d.o.o. Sarajevo.

U Zapisniku o pregledu i ocjeni ponuda br: 04-11-47588-4/20 od 29.01.2021.godine Komisija je utvrdila da pristigla ponuda nije prihvatljiva, odnosno da ista ne ispunjava uslove zahtijevane tenderskom dokumentacijom kako slijedi:

**Ponuđač Lupon Ventures d.o.o. Sarajevo nije ispunio uslov tehničke i profesionalne sposobnosti pod A) obzirom da dostavljene potvrde o uredno izvršenim ugovorima ne sadrže podatke o vremenu i mjestu izvršenja ugovora u skladu sa članom 48. Stav (3) ZJN, odnosno Potvrda o uredno izvršenom ugovoru izdata od strane Hrvatske pošte Mostar ( str.37 ponude) ne sadrži podatke o vremenu i mjestu izvršenja ugovora, dok potvrda o uredno izvršenom ugovoru izdata od strane ITM SMART CLOUD COMPUTING ( str.38. ponude), ne sadrži podatke o mjestu izvršenja ugovora. Također ponuđač nije ispunio uslov pod B):**

“Ponuđač je dužan u skladu sa članom 50. tačka b) obezbijediti dokaze da ima profesionalne kvalifikacije pružaoca usluga i/ili kvalifikacije njegovog rukovodećeg osoblja, i naročito kvalifikacije lica koja su odgovorna za pružanje konkretnih usluga, a koje su predmet ove javne nabavke.



Ponudač je dužan dostaviti dokaze da u radnom odnosu na neodređeno vrijeme, ugovorom o radu sa punim radnim vremenom ili ugovorom o djelu koji sadrži elemente ugovora o radu, ima minimalno zaposleno stručno osoblje za vršenje predmetnih usluga i to :

- a) Jedno lice - DevOps stručnjak - stručnjak u oblasti izrade/konfiguracije softvera i instaliranja opreme za korištenje softvera, sa završenim studijem informacione tehnologije, ili elektrotehničkog fakulteta (VII stepen), odnosno obrazovanje najmanje prvog ciklusa (koji se vrednuje sa najmanje 240 ECTS bodova), sa minimalno 5 (pet) godina radnog iskustva ili radnog staža, na istim ili sličnim poslovima, nakon sticanja visoke stručne spreme;
- b) Dva lica - Senior software developer- stručnjaci u oblasti izrade/konfiguracije softvera i instaliranja opreme za korištenje softvera, sa završenim studijem informacione tehnologije, ili elektrotehničkog fakulteta (VII stepen), odnosno obrazovanje najmanje prvog ciklusa (koji se vrednuje sa najmanje 240 ECTS bodova), sa minimalno 2 (dvije) godine radnog iskustva ili radnog staža, na istim ili sličnim poslovima, nakon sticanja visoke stručne spreme; “

**obzirom da za lica pod a) i b) nije dostavio certifikat/potvrdu kojim se dokazuje zvanje DevOps stručnjaka i Senior software developer, a prema zahtjevu iz tenderske dokumentacije.**

**Nadalje, ponudač u ponudi nije dostavio izjavu o podugovaranju, odnosno izjavu da li namjerava dio ugovora podugovaranjem prenijeti na treće strane, a prema zahtjevu iz tenderske dokumentacije.**

Na osnovu svega navedenog, a cijeneći odredbe člana 69. stav (2) tačka d) Zakona o javnim nabavkama kojim je propisano da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva, donesena je odluka kao u dispozitivu.

#### **Pouka o pravnom lijeku:**

Protiv ove odluke može se izjaviti žalba Uredu za razmatranje žalbi, putem ugovornog organa u roku od 10 (deset) dana od dana prijema odluke.

Žalba se podnosi Ugovornom organu (Ministarstvo saobraćaja Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponudač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 2.000,00 KM, u skladu sa članom 108. stav 1. tačka c) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.

Dostaviti:

- Lupon Ventures d.o.o. Sarajevo,
- ul. Trg solidarnosti 4, Sarajevo
- Evidenciji
- Arhivi

